



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-470/13
Sarajevo, 16.4.2013. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 17.04.2013			
Organizaciona jedinica	Klasifikaciona oznaka	Radni broj	Broj priloga
05-50-1-15-470/13			

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 45. sjednici održanoj 15.4.2013. godine, utvrdilo je Odgovor na zastupničko pitanje koje je postavio Mate Franjičević, zastupnik u Zastupničkom domu Parlamentarne skupštine Bosne i Hercegovine.

U prilogu prosljeđujemo Odgovor radi njegovog dostavljanja zastupniku.

S poštovanjem,



GENERALNI TAJNIK

Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-470/13
Sarajevo, 15.4.2013. godine

G-din Mato Franjičević, zastupnik u Zastupničkom domu Parlamentarne skupštine Bosne i Hercegovine, na 41. sjednici Zastupničkog doma, održanoj 31.01.2013. godine, je Vijeću ministara BiH i Ministarstvu komunikacija i prometa BiH uputio slijedeću inicijativu:

«Zbog aktuelne situacije, odnosno neslužbenih informacija da je ponovo po drugi put zaustavljena realizacija projekta digitalizacije u BiH prisiljen sam ponoviti inicijativu, te tražim da Vijeće ministara BiH dostavi Parlamentarnoj skupštini BiH cjelovitu informaciju o procesu digitalizacije u Bosni i Hercegovini (historijat, aktuelna situacija, rokovi i prespektive)»

Na upućenu poslaničku inicijativu, Vijeće ministara Bosne i Hercegovine, na 45. sjednici održanoj 15. 4. 2013. godine, utvrdilo je slijedeći

ODGOVOR

Uvođenje digitalne zemaljske televizije u BiH, period prelaska sa analognog na digitalno zemaljsko emitiranje i gašenje analogne televizije je obveza Bosne i Hercegovine koja treba biti urađena u skladu sa međunarodnim sporazumima iz ove oblasti. U periodu od 15. svibnja do 16. lipnja 2006. godine, u Ženevi, Švicarska, održana je Regionalna radiokomunikacijska konferencija (RRC-06) sa ciljem uspostave novog međunarodnog sporazuma i njemu pridruženog frekvencijskog plana za digitalno emitiranje. Konferencija je organizirana od strane Međunarodne unije za telekomunikacije (ITU), a na inicijativu europskih zemalja.

Dana 20.6.2007. godine na 14. sjednici Vijeća ministara Bosne i Hercegovine (u daljem tekstu: Vijeće ministara) razmatrani su i usvojeni Izvješće o učešću Bosne i Hercegovine na Regionalnoj konferenciji o radiovezama za planiranje digitalnog zemaljskog radiodifuznog servisa u dijelovima regija 1 i 3, u frekvencijskom opsegu od 174-230 MHz i 470-862 MHz (RRC-06, dalje: Konferencija) i Završni dokument sa Konferencije, te je Predsjedništvo BiH 20. kolovoza, 2007. godine donijelo Odluku o usvajanju istih dokumenata sukladno Zakonu o postupanju, zaključivanja i izvršavanja međunarodnih ugovora („Službeni glasnik BiH“, broj: 29/00). Završni akti RRC-06 Ženeva ratificirani su i objavljeni u Službenom glasniku BiH - Međunarodni ugovori, broj 9/08. Ovime je procedura ratificiranja potpuno završena, što obavezuje Bosnu i Hercegovinu da postupa sukladno navedenom sporazumu.

Postupajući u skladu sa međunarodnim obvezama, Forum o digitalnoj zemaljskoj televiziji u Bosni i Hercegovini (u daljem tekstu: DTT Forum) čiji su zadaci definirani u Politici sektora emitiranja u Bosni i Hercegovini („Službeni glasnik BiH“, broj: 18/07) izradio je Prijedlog strategije prelaska s analogne na digitalnu zemaljsku radiodifuziju u frekvencijskim opsezima 174-230 MHz i 470-862 MHz u Bosni i Hercegovini (u daljem tekstu: Strategija). Putem Ministarstva komunikacija i prometa Bosne i Hercegovine (u daljem tekstu: Ministarstvo) prijedlog Strategije dostavljen je na razmatranje i usvajanje Vijeću ministara, te je Vijeće ministara na 91. sjednici održanoj 17.06.2009. godine i usvojilo dostavljeni prijedlog Strategije.

Strategija predstavlja stručnu analizu postojećeg stanja, utvrđivanje potreba i mogućnosti razvoja sektora komunikacija u Bosni i Hercegovini, vodeći računa o nužnim pravcima i dinamici prelaska na digitalnu zemaljsku radiodifuziju.

U vezi sa gore navedenim pokrenut je niz aktivnosti vezanih za realizaciju preuzetih obveza, te je tako u suradnji sa Ekspertskim timom javnih RTV servisa u BiH (u daljem tekstu: Ekspertski tim), Vijeće ministara na 128 sjednici održanoj 14.07.2010. godine, a na prijedlog Ministarstva usvojilo Projekat digitalizacije mikrovalnih veza Javnih RTV servisa u BiH (u daljem tekstu: Projekat). Usvajanjem Projekta u potpunosti je stvorena tehnička pretpostavka za zamjenu postojećih analognih veza javnih RTV servisa u BiH, čime je jasno stvoren tehnički okvir za prijenosnu mrežu. Realizacija Projekta je definirana kroz dvije faze od kojih svaka ima svoje podfaze (prva A - prva B, druga A - druga B). Kako bi se moglo pristupiti realizaciji, odnosno zamjeni postojeće analogne opreme Javnih RTV servisa u BiH, na prijedlog Ministarstva Vijeće ministara je na svojoj 129. i 136. sjednici donijelo Odluke o financiranju dijela Projekta (prva A i prva B faza) u ukupnom iznosu 6.784.000,00 KM. Sredstva namijenjena za realizaciju cjelokupne prve faze Projekta osigurana su iz viška prihoda nad rashodima Regulaorne agencije za komunikacije Bosne i Hercegovine.

Nadalje, na prijedlog Ministarstva, Vijeće ministara je na svojoj 161. sjednici održanoj 15.09.2011. godine donijelo Odluku o uvrštavanju Projekta digitalizacije u program višegodišnjih kapitalnih ulaganja za period 2011-2014. godina („Službeni glasnik BiH“ broj 18/11). Usvajanjem ove odluke stvoren je okvir za financiranje procesa digitalizacije u ukupnom iznosu od 36.934.000,00 KM, a sredstva po ovoj odluci bit će izdvojena iz Proračuna institucija Bosne i Hercegovine, sredstava na ime uplate dozvola za UMTS (*Univerzalni Mobilni Telekomunikacijski Sustavi*), te sredstava viška prihoda nad rashodima Regulatorne agencije za komunikacije Bosne i Hercegovine. U skladu sa Strategijom predviđeno je i subvencioniranje stanovništva Bosne i Hercegovine za kupovinu digitalnih zemaljskih prijemnika (set-top boxova), te je u tom smislu Vijeće ministara, na prijedlog Ministarstva na svojoj 169. sjednici održanoj 21.12.2011. godine, donijelo Odluku o usvajanju osnovnih tehničkih uvjeta koje prijemnici za digitalno zemaljsko emitiranje (DVB-T) moraju ispunjavati u Bosni i Hercegovini („Službeni glasnik BiH“ broj 8/12), čime se daje svojevrsna garancija građanima da će kupljeni digitalni prijemnik biti u potpunosti kompatibilan prilikom digitalnog emitiranja u Bosni i Hercegovini.

Također, na prijedlog Ministarstva, Vijeće ministara na svojoj 14. sjednici od 26. srpnja, 2012. godine i 26. sjednici od 12. studenog, 2012. godine usvojilo je Projekat primarne emisijske mreže DVB-T („Službeni glasnik BiH“, broj 98/12). Ovaj projekat

predstavlja nadogradnju Projekta digitalizacije mikrovalnih veza Javnih RTV servisa u Bosni i Hercegovini sa 30 digitalnih odašiljača velike snage čime bi se pokrilo cca 80 posto područja Bosne i Hercegovine digitalnim signalom. Ovim projektom je djelomično obuhvaćena i sanacija infrastrukturnih objekata Javnih RTV servisa, koji imaju za obavezu da sami financiraju obnovu i sanaciju vlastitih infrastrukturnih objekata. Prema informaciji dostavljenoj Ministarstvu od strane Odbora Javnog RTV sustava većina infrastrukturnih objekata za realizaciju prve faze Projekta je u većem dijelu u potpunosti sanirana i izgrađena.

Sukladno Odluci o izmjeni odluke o nastavku rada Foruma o digitalnoj zemaljskoj televiziji Bosne i Hercegovine („Službeni glasnik BiH“ broj 54/10) koju je donijelo Vijeće ministara na svojoj 121. sjednici održanoj dana 20.05.2010. godine, formirano je stručno povjerenstvo DTT Foruma sa zadatkom izrade Akcijskog plana prelaska sa analogne na digitalnu zemaljsku radiodifuziju u frekvencijskim opsezima 174-230 MHz i 470-862 MHz u tranzicijskoj fazi u Bosni i Hercegovini (u daljem tekstu: Akcijski plan). Temeljem toga Stručno povjerenstvo DTT Foruma je dostavilo Akcijski plan Ministarstvu, te je isti trenutačno u fazi prikupljanja mišljenja relevantnih institucija prije upućivanja na razmatranje i usvajanje Vijeću ministara. Akcijski plan detaljno će razraditi sve korake u provođenju Strategije, precizirati aktivnosti sa njihovim nosiocima, rokove, izvore i načine financiranja, kao i zaduženja pojedinih insitucija svih razina vlasti u Bosni i Hercegovini.

Nakon što je osigurana pravna i financijska podrška ovom procesu, imenovano je mješovito povjerenstvo sastavljeno od predstavnika Ministarstva, Ministarstva financija i trezora, te po jedan predstavnik iz sva tri Javna RTV servisa u Bosni i Hercegovini, za javnu nabavku digitalnih linkova na relaciji Sarajevo-Banja Luka i Sarajevo-Mostar, digitalnih linkova za uvezivanje pet informativno-tehničkih cenatara u sustav digitalnih veza Javnih RTV servisa (ITC Istočno Sarajevo, ITC Zenica, ITC Tuzla, ITC Bijeljina i ITC Brčko), te odašiljača za inicijalno pokrivanje digitalnim signalom gradova Sarajeva, Banja Luke i Mostara. Povjerenstvo je u skladu sa Zakonom o javnim nabavkama BiH, putem Obavještenja o javnoj nabavci („Službeni glasnik BiH“ broj 9/11 i broj 95/11) dva puta objavljivalo otvoreni međunarodni postupak nabavke, te je zaprimilo ukupno četiri ponude u svakom od postupaka nabavke. Nakon evaluacije i obavijesti o izboru najpovoljnijeg ponuđača, u oba slučaja zaprimljene su žalbe kod Ureda za razmatranje žalbi Bosne i Hercegovine (u daljem tekstu: Ured), te je isti svojim rješenjem u prvom postupku nabavke broj U-1192/11 od 05.10.2011 i rješenjem u ponovljenom postupku nabavke broj: UP2-01-07.1-1108-54/12 od 10.01.2013. godine uvažio žalbe ponuđača i poništio cjelokupan postupak. Svojim rješenjima Ured je postupak vratio na početak, te se u ovom trenutku vode aktivnosti oko objavljivanja trećeg (ponovljenog) postupka javne nabavke opreme za prvu fazu Projekta u skladu sa Zakonom o javnim nabavkama u Bosni i Hercegovini.

Važno je istaknuti činjenicu da je Uredu u oba slučaja u predmetu po izjavljenim žalbama trebalo nekoliko mjeseci za njihovo rješavanje, iako je Poslovníkom o radu Ureda definirano da je rok za rješavanje po žalbi 15 dana, odnosno maksimalno 30 dana u određenim slučajevima. Kao prilog tome navodimo činjenicu da je u ponovljenom postupku javne nabavke jedan od ponuđača izjavio žalbu kod Ureda dana 09.04.2012. godine, a da je Ured po istoj donio rješenje 10.01.2013. godine.

Važno je spomenuti da Bosna i Hercegovina nije ispoštovala vlastiti rok za potpuno gašenje analognog signala u UHF opsegu, kako je to definirano Strategijom, zaključno sa 01.12.2011. godine. Imajući u vidu naprijed pomenuto Vijeće DTT Foruma je predložilo da Akcijski plan definira novi rok potpunog gašenja analognog signala u Bosni i Hercegovini, te je u skladu s tim Stručno povjerenstvo DTT Foruma u prijedlogu Akcijskog plana odredilo 01.12.2014. godine kao konačani datum gašenja analognog signala u Bosni i Hercegovini, što je u skladu sa finalnim aktima konferencije RRC-06 održane u Žanevi i međunarodnim obavezama koji prozilaže iz finalnih akata i ratificiranog Sporazuma GE-06. Konačni rok za potpuno gašenje analognog signala u zemaljskoj radiodufuziji, definiran Sporazumom GE-06, je 15.06.2015. godine.

Ukoliko Bosna i Hercegovina ne ispoštuje preuzete obveze može se suočiti sa brojnim, kako administrativnim, tako i tehničkim problemima. Prije svega Bosna i Hercegovina će prekršiti već ratificirani multilateralni međunarodni Sporazum GE-06 što može uzrokovati niz neugodnih i štetnih posljedica po državu Bosnu i Hercegovinu od strane europskih zemalja i administracija Europske unije. Također, u tehničkom smislu Bosna i Hercegovina, a prije svega Javni RTV servisi u Bosni i Hercegovini, mogu se suočiti sa problemom razmjene programa sa zemljama regije, kao i zemljama diljem svijeta. Ono što je svakako jedan od najvećih problema je činjenica da nakon 15.06.2015. godine, postojeći analogni frekvencijski pojas dodijeljen Javnim RTV servisima u BiH, neće biti štice od strane domaćih i međunarodnih administracija, te kao takav može biti iskorišten za različite namjene od strane trećih osoba ili organizacija. Ovo znači da bi u tom slučaju Javni servisi u BiH imali ogromnih tehničkih problema u realizaciji svog programa zbog međusobne interferencije sa drugim korisnicima kojima je dodjeljen isti frekvencijski pojas, a građani bi svakako ostali uskraćeni za signal Javnih RTV servisa u Bosni i Hercegovini.

Sagledavajući identični proces digitalizacije u zemljama okruženja, treba reći da su mnoge od njih već u potpunosti prešle na sustav digitalnog emitiranja programa, kao što su Hrvatska i Makedonija. Srbija je krenula u proces digitalizacije sa novim standardom digitalnog zemaljskog emitiranja tzv. DVB-T2, te u tom smislu nije u potpunosti prešla na digitalni sustav emitiranja, ali se očekuje da će to biti urađeno u skladu sa rokovima iz Sporazuma Ženeva 2006. Kad je u pitanju Crna Gora, ona se nalazi u situaciji sličnoj onoj u kojoj se nalazi i Bosna i Hercegovina. Sredstva za nabavku opreme osigurana su od strane Europske komisije, te je procedura za nabavku provedena u skladu sa europskim zakonodavstvom. Odabrana kompanija trebala je isporučiti opremu do prosinca 2011. godine, ali je ugovor od tada produžavan čak tri puta. Posljednjim izmjenama Zakona o digitalnoj radio-difuziji predviđeno je pomjeranje roka za digitalizaciju crnogorskih medija za tri godine, odnosno do juna 2015. godine.

Kad su u pitanju zemlje Europske unije, prvobitni rok za potpuno gašenje analognog signala za sve članice bio je označen kraj 2012. godine. Međutim, ubrzo se uvidjelo da je taj rok nerealan i da će nekim zemljama članicama trebati više vremena da u potpunosti ugase analogni signal tzv. *switch-off*. U konačnici je taj rok prolongiran i usklađen sa rokovima iz Sporazuma Ženeva 2006, a zaključno sa 15.06.2015. godine. Međutim, ovdje treba spomenuti činjenicu da je većina zemalja članica zapadne Europe u potpunosti prešla na sustav digitalnog emitiranja, dok u isto vrijeme

pojedine zemlje članice istočne Europe još nisu u potpunosti okončale započeti proces.

Tijekom same realizacije procesa digitalizacije svaka od država vodila je ključnu ulogu kako bi pomogla završetak započelih aktivnosti kroz razne poreske olakšice, dotacije, subvenciju građana za kupovinu digitalnih zemaljskih prijemnika, promotivne kampanje itd. Kao jedan od uzroka problema u početnoj fazi realizacije digitalnog emitiranja, iz iskustva drugih zemalja, je svakako slaba penetracija digitalnih zemaljskih prijemnika uslijed odsustva promotivno-informativne kampanje, nedostatka dodatnih sadržaja i subvencija građanstvu za kupovinu digitalnih zemaljskih prijemnika. Naravno još jedan važan financijski faktor sa aspekta emitiranja koji može biti problematičan je svakako vrijeme simultanog emitiranja i analognog i digitalnog signala. Ovakav način emitiranja bi trebao biti što kraći kako ne bi dodatno opterećavao emitere u financijskom smislu.



Radio – televizija Federacije Bosne i Hercegovine
Savjetnik generalnog direktora
Broj:4110-01/390
Sarajevo,03.06.2013 09:13:05

Vijeće ministara
Ministarstvo komunikacije i prometa
Trg Bosne i Hercegovine 1/IV
n/r ministar Damir Hadžić
71000 Sarajevo

01/e-50-1

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 10-06-2013

Organizaciona jedinica	Klasifikaciona oznaka	Redni broj	Broj priloga
01-50-1		15-4/12	

Parlamentarna skupština Bosne i Hercegovine
Predstavnički dom
Trg Bosne i Hercegovine
71000 Sarajevo
n/r Mate Franjičević

Predmet: **Odgovor na poslaničko/zastupničko pitanje Mate Franjičevića, poslanika/zastupnika u Predstavničkom domu Parlamentarne skupštine Bosne i Hercegovine, veza vaši dopisi broj:01-07-07-6-598-4/13, od 22.05.2013 godine**

Poštovani,

Kako stoji i u vašem dopisu i kako je u poslaničkom/zastupničkom pitanju postavljeno «Zbog čega nisu uspostavljena tri produkcijska centra predviđena Zakonom o javnom RTV sustavu/sistemu, konkretno njegovim člancima 12 i 29» i naš odgovor biće kratak i koncizan. Ova pitanja su vezana za osnivanje Korporacije tri javna RTV servis(BHRT, RTRS i RTFBiH). U Zakonu, jasno stoji kako će se Korporacija osnovati najkasnije i registrirati 45 dana od dana održavanja konstituirajuće sjednice. Kao što ste naravno upoznati, Korporacija nije uspostavljena ni do današnjeg dana.

Što se tiče stava UO RTVF BiH odnosno menadžmenta RTVFBiH, mi smo se od početka a i sada zalagali za uspostavu Korporacije. No, u UO sistema, koji čine po četiri predstavnika javnih rtv emitera, ne postoji volja da se Zakon ispoštuje, te do uspostave Korporacije nije došlo, a samim tim ni do realizacije članova 12 i 29 ovog Zakona a posebno člana 12, stav 4 koji glasi:

Član 12.

(Korporacija)

(1) Korporacija je zajednička upravljačka struktura između javnih RTV servisa s istim pravima i obavezama prema sva tri javna RTV servisa (BHRT, RTRS i RTFBiH);


(2) Tri javna RTV servisa ovim zakonom uspostavljaju Korporaciju.

(3) Korporacija ima obavezu da uvodi nove tehnologije, u dogovoru sa sva tri javna RTV servisa.

(4) Korporacija ima organizacione jedinice u Sarajevu, Banjoj Luci i Mostaru.»

S poštovanjem,

Esad Cerović



Dostavljeno:
-naslovu-
a/a



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-2048/13
Sarajevo, 17.7.2013. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 17.07.2013

Organizaciona Jedinica	Klasifikaciona oznaka	Redni broj	Broj priloga
01-50-1-15		31	13

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 57. sjednici održanoj 10.7.2013. godine, utvrdilo je Odgovor na zastupničko pitanje koje je postavio Mato Franjičević, zastupnik u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja zastupniku.

S poštovanjem,



GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-2048/13

Sarajevo, 17.7.2013. godine

G-din Mato Franjičević, zastupnik u Zastupničkom domu Parlamentarne skupštine Bosne i Hercegovine, na 41. sjednici Zastupničkog doma, održanoj 31. siječnja 2013. godine, postavio je slijedeće zastupničko pitanje:

«Zbog čega nisu uspostavljena tri produkcijska centra predviđena Zakonom o Javnom RTV sustavu BiH, konkretno njegovim člancima 12. i 29.?»

Na postavljeno pitanje, Vijeće ministara Bosne i Hercegovine, na 57. sjednici održanoj 17. 7. 2013. godine, utvrdilo je slijedeći

ODGOVOR

koji je Ministarstvo komunikacija i prometa Bosne i Hercegovine pribavilo od Upravnog odbora RTRS, Upravnog odbora BHRT i Upravnog odbora RTFBiH.

Upravni odbor RTRS u svom odgovoru navodi da Radio-televizija Republike Srpske kao javni servis Republike Srpske čini dio Javnog radio-televizijskog sistema Bosne i Hercegovine uređen Zakonom o Radio-televiziji Republike Srpske („Službeni glasnik RS“ broj 49/06, 73/08 i 42/10). Članom 4. ovog zakona definisano je da je osnivač Radio-televizije Republike Srpske Republika Srpska. Prava i obaveze prema Radio-televiziji Republike Srpske vrši Narodna skupština Republike Srpske u skladu sa ovim zakonom i Zakonom o Javnom radio-televizijskom sistemu Bosne i Hercegovine. U skladu sa zakonom, Narodna skupština Republike Srpske bira i imenuje članove Upravnog odbora RTRS. Članom 48. Zakona o Radio-televiziji Republike Srpske definisano je da Upravni odbor RTRS planove i izvještaje podnosi Narodnoj skupštini Republike Srpske. Upravni odbor Radio-televizije Republike Srpske nema obavezu da odgovara na poslanička pitanja Parlamentarne skupštine Bosne i Hercegovine.

Upravni odbor BHRT u svom odgovoru navodi da je Zakonom o javnom radiotelevizijskom sistemu Bosne i Hercegovine predviđena uspostava Korporacije kao zajednička upravljačka struktura između javnih RTV servisa. U članu 12. propisano je da Korporacija ima tri organizacione jedinice u Sarajevu, Banjaluci i Mostaru, a u članu 29. se navodi se da će „produkcija programa svih žanrova za BHRT biti jednako raspoređena između tri organizacione jedinice“. Iako je u Zakonu izostala precizna definicija organizacionih jedinica, iz člana 29. može se zaključiti da je riječ o produkcijskim centrima. Međutim, nikada nije došlo do uspostave

Korporacije iako je propisano da se ovo tijelo uspostavi u roku od 30 dana nakon formiranja Odbora sistema.

Dakle, produkcijski centri nisu uspostavljeni jer nije uspostavljena Korporacija uprkos brojnim naporima koji su u međuvremenu činjeni. Bilo je i prigovora da entitetski zakoni o javnim RTV servisima nisu usaglašeni sa Zakonom o sistemu, a radna grupa koja je započela rad u prethodnom mandatu Ministarstva komunikacija i transporta je uputila izmjene i dopune Zakon o javnom RTV sistemu koji nikada nije usvojen u Parlamentarnoj skupštini BiH.

Upravni odbor BHRT očekuje pomoć Ministarstva komunikacija i transporta i Parlamentarne skupštine da se otklone političke i zakonske blokade i tako omogući puna primjena zakona.

Upravni odbora RTFBiH je konstatovao da je pitanje vezano za osnivanje Koorporacije tri javna RTV servisa (BHRT, RTRS i RTFBiH). U Zakonu, jasno stoji kako će se Korporacija osnovati najkasnije i registrovati 45 dana od dana održavanja konstitutirajuće sjednice. Kao što ste naravno upoznati, Korporacija nije uspostavljena ni do današnjeg dana. Stav Upravnog odbora RTFBiH, odnosno menadžmenta RTFBiH, je da su se od početka a i sada zalagali za uspostavu Korporacije. No, u Upravnom odboru sistema, koji čine po četiri predstavnika javnih RTV emitera, ne postoji volja da se zakon ispoštuje, te do uspostave Korporacije nije došlo, a samim tim ni realizacije članova 12. i 29. Zakona o javnom RTV sistemu a posebno člana 12. stav (4) koji glasi „(4) Korporacija ima organizacione jedinice u Sarajevu, Banjoj Luci i Mostaru“.



Broj /Број: 01/a-50-1-15-41/13
Sarajevo/Сарајево, 4.2. 2013.

VIJEĆE MINISTARA
BOSNE I HERCEGOVINE

11-02-2013
Broses

PREDMET: Zastupnička pitanja i inicijative

Na 41. sjednici Zastupničkog doma Parlamentarne skupštine Bosne i Hercegovine, održanoj 31. siječnja 2013. godine, Vijeću ministara BiH pitanja su postavili zastupnici: Senad Šepić (u okviru komentara na dobivene odgovore), Boško Tomić i Nermina Čemalović, a inicijative su uputili zastupnici Mato Franjičević i Zijad Jagodić (dvije inicijative).

U privitku Vam dostavljam sadržaj pitanja i inicijativa, pitanja i inicijative predate u pisanoj formi, kao i neautorizirani transkript u okviru tačke „Zastupnička pitanja i odgovori“.

Molim da odgovore na zastupnička pitanja i inicijative dostavite u roku od 30 dana, sukladno članku 155. stavak 3. Poslovnika Zastupničkog doma Parlamentarne skupštine Bosne i Hercegovine («Službeni glasnik BiH», br. 33/06, 41/06, 81/06, 91/06, 91/07, 87/09 i 28/12).

S poštovanjem,

Dostaviti:
- naslovu
- a/a

PREDSJEDATELJ
ZASTUPNIČKOG DOMA
Dr. Božo Ljubić

Mato Franjčević
Zastupnik HDZ BiH u ZD OSBiH

PRIJEDLOG INICIJATIVE

Tražim da Vlada ministara
BiH dostavi Parlamentarnoj skupštini
cijelovitu informaciju o procesu
digitalizacije u BiH (historijat,
aktuelna situacija, rokovi i
perspektive).

Sarajevo, 31. oktobra 2013. M. Franjčević

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 31.01.2013

Organizacioni broj	Klasifikacioni broj	Redni broj	Godina
01-50-1-15-41/13			

ZA VU BIA

PRIJEDLOG INICIJATIVE

MAJUR I VIOU PLAN RADA VU
ZA 2013 GODINU U OBLASTI ZAKONI
I OBLASTI PROMETA / OZNAČAJA
NAJHJERNAJU PRAZNIKAMA TEK OD
MAJA MJESECA A NEKI U DECEMBRU
OVH MOUTH / INICIRAN JA SE ZAKONI
IZVJEŠNO VELIKIH IZETA KUH I
KORISTI KOJE SE NOBU OSTRANIT
BRITIH KADSTEM JA SE OVI ZAKONI
STO PRIJE PRIPREDE I U VU
KAZNOM I E JOSTAVI NA PRAZNIKAMA
U PD PS BIA

31.1.2013 g.

POSREDOVAO:
ZIJAN JAGODIC

REPUBLIKA HRVATSKA
MINISTARSTVO ZAPOSREDOVANJE I NEKRETNOSTI
ZAGREB
31.01.2013

PRIMLJEN	Redni broj	Broj lista
01-50-1-15-41/13		

**ZASTUPNIČKA PITANJA I INICIJATIVE POSTAVLJENI NA 41. SJEDNICI
ZASTUPNIČKOG DOMA, ODRŽANOJ 31.1.2013.
UPUĆENI VIJEĆU MINISTARA BiH**

KOMENTARI NA DOBIVENE ODGOVORE:

Senad Šepić

Izrazio nezadovoljstvo odgovorom Vijeća ministara BiH na pitanje postavljeno na nastavku 36. sjednice, održanom 22.11.2012. godine. Ponovio je pitanje koje glasi:

„Molim da nam Vijeće ministara BiH pripremi i dostavi informaciju o poziciji i stanju u sedam institucija kulture od značaja za BiH, s posebnim osvrtom na posljednja dešavanja, a vezana za zatvaranje Zemaljskog muzeja BiH, molim da istu dobijemo hitno, do naredne sjednice Parlamenta BiH.“

NOVA ZASTUPNIČKA PITANJA:

Mato Franjičević

Inicijativa

„Zbog aktualne situacije, odnosno neslužbenih informacija da je ponovno po drugi put zaustavljena realizacija projekta digitalizacije u BiH prisiljen sam ponoviti inicijativu, te tražim da Vijeće ministara BiH dostavi Parlamentarnoj skupštini BiH cjelovitu informaciju o procesu digitalizacije u Bosni i Hercegovini (historijat, aktualna situacija, rokovi i perspective).“

Zijad Jagodić

1. Inicijativa

„Imajući u vidu Plan rada Vijeća ministara BiH za 2013. godinu, u kome se zakoni iz oblasti prometa ili saobraćaja namjeravaju razmatrati tek od maja mjeseca a neki u decembru, ovim molim i iniciram da se zarad izuzetno velikih šteta ali i koristi koje se mogu ostvariti bržim donošenjem, da se ovi zakoni što prije pripreme i u Vijeću ministara razmotre te dostave na razmatranje u Predstavnički dom Parlamentarne skupštine BiH.“

2. Inicijativa

„U skladu s članom 8. Poslovnika Predstavničkog doma podnosim inicijativu Vijeću ministara BiH i Predstavničkom domu da se, u cilju ubrzanja aktivnosti Bosne i Hercegovine u procesu EU integracija, izabere jedna od prihvatljivih članica EU za Bosnu i Hercegovinu kao mentor u tom procesu.“

Boško Tomić

“Da li se vrši kontrola kvaliteta cigareta, obzirom da je uvoz ovog proizvoda izuzetno velik u BiH?”

Nermina Ćemalović

“Kada će Vijeće ministara BiH usvojiti podzakonske akte kojim se određuju postupci i obrasci za prijavu i obavještenje o državnoj pomoći, te postupci za ocjenjivanje usklađenosti za povrat pomoći koji se trebaju donijeti u roku od tri mjeseca od dana osnivanja Vijeća za državnu pomoć BiH?”